


8.42. B. 18²

I M A G O
B. M A R I A E
V I R G I N I S

QVAE APVD VENERANDAS SS. SIXTI,
& Dominici Moniales à mille ferè annis maximo
cultu asseruatur

Ex antiquitatis tenebris eruta, & illustrata à
F L O R A V A N T E M A R T I N E L L O
ex vetustissimo Codice MS. Monasterij Sanctæ
Cecilia Transfiverim, alijsq. Vaticane
Bibliotheca Codd. & probata auctori-
tatis Scriptoribus.



ROMAE, Apud Ludonicum Grignanum: 1635.
Superiorum Permissu.

**Imprimatur, si videbitur Reuerendiss. P. Mag.
Sac. Pal. Apost.**

A. Torniellus Vicefg.

Imprimatur,

**Fr. Nicolaus Riccardius Sac. Palatij Apostolici
Magister Ordinis Prædicatorum.**

EMIN.^{MO} PRINCIPI . . .

S. Q. R. E.

Pœnitentiario, & Bibliothecario

F. ANTONIO

BARBERINO

Card.

S. ONVPHRII

Florauantes Martinellus.



IRGINIS Magnæ
Iconem artificio
Magni Pictoris
expressam vt bo-
no in lumine col-

locem, ad BARBERINVM Solem
afferre necesse habeo Princeps
Eminentissime. Neque vereor;

A 2 ne

ne non præsidij radium tui opel-
læ meæ, dum Virgini laborat, ac-
commodes, qui Eidem sine Orig-
inis labe Cõceptę laxissimas Aedes
effuso liberaliter auro substruxi-
sti . Quin eo etiam nomine te-
nuissimo libello pollicitus patro-
cinium tuum sum, quòd ille tam
multiplici titulo tuus est, vt longè
maius habeat à BARBERINA ma-
iestate pretium, quàm quantam
deduxerit ab authore tenuitatem.
Viue quàm diutissimè Ecclesiæ
bono, & bonorum præsidio.

NAR-

NARRATIO

DE PRIMA ORIGINE, ET
inuentione huius Sacratissimæ
Imaginis

EX VETVSTISSIMO CODICE
manuscripto Monasterij Sanctæ Cæcilie
Transfiterim fideliter representata .



APUD omnipotentem Do. Prozmii,
minum nunquã proculdu-
bio fuit , nec erit vsque in
finem dedignatio miseren-
di . Sed quod de salute hu-
mani generis antè mundi formationem di-
uinitus ordinauit , nouissimis temporibus
misericordiam adimpleuit . Quod enim pro-
phetatum est de vnigeniti Filij sui per Va-
tes veridicos Aduentu , Natiuitate, Pas-
sione & Morte , Resurrectione quoque &
Ascensione in Calos, necnon de promissione
Sancti Spiritus ad Apostolorum corda fir-
A 3 manda ,

manda, perfectum sine dubio, completumq;
certissime constat. Cuncta enim secutura
diuinitus præsiciens, ante secula decreuit,
qualiter secula disponantur, & idè què-
admodum statutum fuit, ut generi hu-
mano, quod tenebatur sub iugo demoniacæ
dominationis, proueniret adiutorium, quod
liberaret illud à seruitute diabolica, ita ni-
mirum Sanguine Christi peractum est.

Constat enim, Deum Patrem omnipotentē,
qui credendus est sine initio, & sine fine,
qui; omnia tenens à nullo tenetur; omniaq;
gubernans à nemine gubernatur Filium
suum, hoc est Verbum suum conceptum de
Spiritu Sancto, & natum ex Maria
Virgine misisse in terram: Vndè Prædica-
tor egregius, Paulus videlicet Apostolus,
ait: Misit Dominus * Filiū suum factū ex
muliere, factum sub lege, ut eos, qui sub
lege erant, redimeret. Natus ergo Domi-
nus Christus & ablactatus est, & adul-
tus, temptatus quoque, passus, mortuus;

&

III.

Et sepultus, tertia die resurrexit. Quae omnia propter nos nimirum, Et propter nostram salutem sustinuit; Et peccata nostra, sicut Isaias predixerat, ipse portauit.

Igitur post Resurrectionē suam per qua-
 draginta dies cum proprijs conuersatus est
 discipulis, quibus praecepit ab Hierosolymis
 ne discederent, sed expectarent promissionem
 Patris: Et inter alia dixit eis. Nisi ego
 abiero, Paraclitus nō ueniet; dum assum-
 ptus fuero, mittam eum ad uos. Quod
 impletum esse quis fidelium abnuat, cum in
 Actibus Apostolorum ueracitatem astrua-
 tur, Videntibus Apostolis, Et pluribus te-
 stibus, Dominus ascendit in Celos. Tunc
 Apostoli reuersi sunt Hierosolymam à Mō-
 te, qui uocatur Oliueti.

Et post pauca. Hi omnes erant perse-
 uerantes unanimiter in oratione cum mu-
 lieribus; Et Maria Matre Iesu, Et fra-
 tribus suis. Cumq; ergo Beatissima Dei
 Genitrix almifica conuersatione moraretur

P O S T
 Resurre-
 ctionem
 Domini;

ERANT
 Apostoli
 Hieroso-
 lymae cū
 Maria
 Matre
 Iesu.

IV.

cum Apostolis , eſſetq; non ſolum intima , ſed etiam exteriori pulchritudine admodum glorioſa , calitùs moniti inter ſe Beatiſſimi ſtatuerunt Apoſtoli , ut ad memo-

QVAM
depingen.
dā ſtatue-
runt per
manus Lu-
cæ Euan-
geliftæ .

*riam poſteriorum depingeretur admirabilis
cultus illius , QVI DVM PER MANVS
LVCE EVANGELISTÆ , NEC DVM
ADHIBITIS COLORIBVS , SED DESIGNA-
TVS TANTVM MODO ESSET , SVBI-*

IMAGO
à Luca de-
lineata tā-
tum , repe-
ritur colo-
ribus per-
fecta .

*TO REPERTA EST IMAGO illius admira-
bilis decore præfulgens , utpotè non operibus
manuum carnalium , SED DEI OMNIPO-
TENTIS INEFFABILI VIRTUTE DEPI-
CTA . Quod videntes Apoſtoli exultaue-
runt ſpiritali tripudio , debitasq; laudes
cunctorum Saluatori Deo humiliter reddiderunt .
Poſt acceptionem verò Spiritus Sancti ,
dum diſſeminarentur Apoſtoli toto Orbe ter-
rarum , Venerabilis & gloriſſima Vir-
go in domo Ioannis Apoſtoli & Euangeli-
ſtæ ſedit per annos nouem ; ſicq; ad Aetherea
comitatu nimirum , ut credendum eſt ,*

Archan-

Archangelico subleuata est.

Post aliquod autem tempus eadem Ve- IMAGO
Romam
deferretur.
nerabilissima Imago, non absque diuino,
ut creditur, nutu in hanc Romanam Ciui-
tatem, digna proculdubio reuerentia, per
quendam virum Deo plenum abducta est.

Eodem autem tempore debebant in hac
Ciuitate quidam tres Viri, non solum car-
ne, sed & mente germani, quorum nomina
erant, TEMPVLVS, Seruulus, & Ceruu-
lus, qui à Constantinopolitana exulantes
Urbe hìc manebant, in loco videlicet, qui
tunc temporis vocabatur SANCTAE AGA-
THES IN TVRRI. Omnipotēs itaq; Deus,
qui gloriam suorum nequaquam patitur
celari Sāctorum, precipuèq; illius Virginis,
quæ lumē edidit, quod cunctos irradiat Sā-
ctos, per visum apparere dignatus est uni
eorum, videlicet Tempulo, vita mirifica
conuersanti, eumq; monuit, inquit, Ima-
ginem celeberrimæ, unicæq; Virginis Ma-
riae ab illo viro, qui eam Romanis indu-
xit

IMAGI-
nis admo-
netur diui-
nitās. Tē-
pulus.

xit manibus , quocunque modo potueris ,
acquirere satage , illamq; in Ecclesia , qua
tuo adiacet hospitio , reuerentissimè colloca .
Per illam siquidem diuinitas mea & tibi
solaminis gratiam , & Romanis , qui huic
loco deuote famulati sunt , non modica lar-
gietur miracula . Experges factus itaque
vir ille , quem Deus sua uisitatione dignū
effecerat , iuxta mandatum , quod calitū
acceperat , diū quæsitam MERUIT ICO-
NĀM ACQVIRERE , quam profectō ve-
nerabilissimam studuit in hac Ecclesia ve-
nerabiliter collocare .

IMAGO
locatur
in Aede
S. Agathę
in Turri .

Quæ scilicet ECCLESIA Omnipotentis
Dei gratia cū à priscis eatenus S. AGATHES
titularetur , ab eo tempore crebrescentibus
miraculis , quæ per sæpe nominatam Ima-
ginem Dominus operari dignatus est , SAN-
CTAE MARIAE competenter accepit vo-
cabulum . Illi sanè tres germani , quorum
prius mentionem fecimus , eò deuotiùs in
eodem loco usque ad finem exitus sui habi-
taue-

ÆDES S.
Agathę
nomen S.
Marię ac-
cipit ab
hac Ima-
gine .

VII.

tauerunt , quò Virtutes inibi calitùs fieri frequentissimè cognouerunt .

Verùm quia, Ut ita dixerim, ex diuino medicamine solent inuidorum corda tabescere , quidam Clerici nefandæ stimulis æmulationis incitati à Pontifice Sergio Venerabili, qui tunc temporibus Romanæ præerat Ecclesiæ , obtinuerunt , Ut tam ingens Virtutum Thesaurus Lateranensi collocaretur Palatio ; quandam enim fingentes verisimilitudinem aiebant ; Oportet utique rem maximam loco maximo collocari : Quod tamen dicentes , Ut postmodum rei euētus insinuauit nequaquam honori deifico providebant, sed suæ nequiter auaritiæ consulebant . Omnipotens autem Deus , qui noluit hūc locum eiusmodi fraudari patrocinio , tale tantumq; dignatus est patrare miraculum ; Ut quamdiū volubilis huius mundi rota voluitur , hic Sacratissimus locus , apud quem constat eandem calitùs prouenisse Virtutē , honori quàm maximo habea-

INCITATUR
Sergius Papa
ad locan-
dum Ima-
ginem in
Palatio La-
teranensi .

VIII.

habeatur , quemadmodum in sequentibus conabitur declarare .

IMAGO
solēniter
transfer-
tur inuitis
Moniali-
bus in La-
teranum .

TONI-
truis , &
corusca-
tionibus
impeditur
translatio.

PONTI-
fex prævia
reuerenti
supplica-
tione Ima-
ginē trās-
fert .

*Igitur , ut præfatum est , dum præno-
minati Clerici subrepentes Apostolico Pape
cum numerosa hominum aduenissent fre-
quentia , sacratissimamq; Imaginem , an-
cillis Dei , quæ hîc castissimè , ac regulari-
ter conseruabantur , singultu maximo re-
nitentibus abstulissent , venerant ad locum ,
qui dicitur , Spleni , ubi terroriferis corusca-
tionibus , ingentibusq; tonitruis diuinitus
consternati mouere ampliùs gressus nulla-
tenùs præsumpserunt . Quo audito supra-
nominatus Pontifex non minimo terrore
concussus est , atque locum illum reuerenter
adiens , ubi MANIBVS , ut credimus ,
ANGELICIS DEPICTA IMAGO detine-
batur , Omnipotenti Domino aliquantisper
deuotissimè supplicauit , ac deindè surgens
ab oratione per semetipsum eam usque ad
Lateranense Palatium baiulauit , atque
iuxta Domini , & Saluatoris nostri reue-
rendam*

IX.

rendam Iconam reuerentissimè collocauit.

Verùm nunquid humana valet industria contra ineffabilis diuinitatis prefixam, incōmutabilemque sententiam? Sequenti denique nocte stupendo, atque incomprehensibili miraculo ad eundem locum diuinitus est reducta, undè precedenti die fuerat non sine magno ancillarum Dei merore violentè potius, quàm religiosè abstracta.

INLATRANO loco
ta diuinitus ad S.
Agatham in Turri
redijt.

Quam nimirum stupendam virtutem iam superius nominatus Præsul comperiens, ad hanc Sacrosanctam Ecclesiam deuotus, ac diuino timore concussus aduenit. Cumque diligenter inquireret ab ancillis Dei, quæ hîc degebant, quâ hora noctis uidissent eam ad locum pristinum reuocatam, Abbatissa earum, quæ magnæ proculdubio grauitatis, ac sanctitatis erat, ingenti præmisso fletu, ad eiusdem Apostolici vestigia corruit, dicens:

PONTIFEX de miraculo Abbatissæ loci inquit.

Media ferè nocte dum nimis angustiarer ob unica Domine mea ablatam figuram, meroribus, atque pro peccatis meis Omnipotentem

ABBATISSA facta
recenset.

*tentem Dominum crectis brachijs obsecra-
rem, subito illam intuita super fenestram,
ut aliquod volatile animal ingredientem,
atque in loco, ubi ecce, auctore Deo, ha-
betur, semetipsam strenuè collocantem.*

PONTI-
fex obitu-
pessatus
ante Ima-
ginē so-
lennia ecle-
brat.

*Pontifex igitur una cum suis profecto
Sapientissimis Consiliarijs alio mentis acu-
mine tam mirum aspiciens miraculum, ac
reminiscens Abacuch, quem corporea mole
grauatum constat angelico ministerio à Iu-
dea in Chaldeam subito fuisse delatum,
semetipsum in conspectu eorum, qui aderāt
culpabilem reddidit, atque in eodem loco
Missæ solemnia celebrauit.*

ET DO-
na pluri-
ma eidem
confert.
Oleumq.
pro lumi-
narijs per
Lateranē-
ses mini-
stros dari
constituit.

*Præterea dona plurima iā dictæ domui
liberaliter tribuit, atq; pro cōcinnandis lumi-
narijs eiusdem Ecclesiæ sufficiens oleum con-
stituit venerandæ Imagini omni tēpore per
ministros Lateranēsis Palatij ministrari, ad
laudē Domini Nostri Iesu Christi, qui cū
Patre, & Spiritu Sancto uiuit, & gloriatur
Deus per infinita seculorum secula. Amen.*

Hactenus MS. Codex.

FLORAVANTIS

MARTINELLI

Ad præcedentem narrationem

NOTAE

Et Observationes Historicae.



EX allata narratione pro
comperto habemus Di-

S. AGA-
tha cur vo-
cata in
Turri.

uae AGATHAE, post
SANCTAE MARIAE IN
TVRRI Templum cum

adiuncto Monasterio sacrarum Virgi-
num, quæ sacram Imaginem, de qua
agimus, custodiebant: Vocabatur in
Turri à Turre Campanaria, quæ erat in
capite Sclarum Basilicæ Sancti Petri.

SITVS HVIVS ædis demonstratur
in Ichnographia veteris Basilicæ Vati-
canæ, quam Tiberius Alfaranus An.
Domini 1590. edidit, vbi num. 149.

S. AGA-
thæ situs.

hæc

IN SAN-
cta Aga-
tha electus
in Impe-
ratore re-
cipitur in
Canoni-
cum Bas.
Vat.

hæc notauit. Altare olim S. Maria in Turri, ubi electus in Imperatorem à Canonicis S. Petri recipitur in Canonicum.

De hac IMPERATORIS RECEPTIONE, Cæremoniale Basil. Vatic. hæc habet.

Ingrediantur Porticum ad Capellam, quæ vocatur B. Maria inter Turres, ibi à Canonicis, & Collegio Ecclesiæ occurrente recipitur Imperator. Vocatur, inter Turres tum à dicta Turri Campanaria, tum ab alia S. Iustini Turri, cuius Ecclesia erat in Porticu S. Petri. Hinc ex Ioannis XIX. præscripto Syluæ candidę Episcopus processionem in die Dominico Palmarum facturus exeundo procedebat ad maximū S. Petri Altare, ubi Missam celebrabat; quod recenset Panuin. de Basil. Vat. & Grimaldus MS. in Bib. Vat.

S. AGATHÆ locus vocatur Paradisus, ** In var. test. quam*

Hanc D. Agathæ Ædem Anastasius Bibliothecarius * in Paulo Primo vocat PARADISVM his verbis.

Fecit

Fecit autem in atrio antè Turrem Sanctæ Mariæ ad Gradus, quod vocatur Paradisus, Oraculum antè Salvatorem in honorem S. Dei Genitricis miro opere, & decoravit magnificè. Anno 1609. labente perijt hoc Pauli Primi Musium opus ad augustissimam Templi Vaticani frontem à Paulo V. excitandam. Ornabat autè faciem ipsius Ædis S. Mariæ in Turri, habebatq. Salvatorem in rota stellata sedentem in sede gemmata, benedicentem pollice cum anulari coniuncto, & sinistra tenentem librum, in quo scriptum erat. Ego sum resurrectio, & vita. hinc inde tres Angeli per latera venerabundi; infra, quatuor seniores hinc indè coronas offerentes, in quorum medio erat aer ignitus, cuius exemplar affert Iacobus Grimaldus, qui in eodem MS. notat, Innocentiū II. eandem Ædem restituisse, & in eius Altari sub Gregorio XIII. amoto fuisse

refert Jac. Grimald. MS. in Bib. Vat. p. 30. VOCA- tur S. Ma- ria ad Gra- dus, & or- natum à Paulo I.

Grim. tit.

p. 57.

RESTI- tuitur ab Innocen- tiō II.

B reper-

reperas Reliquias SS. Innocentij Papæ,
Mauritij, & aliorum Sanctorum, quæ
hodie in sacrario Vaticano asservantur.
Cuius Altaris mensa præferebat hanc
inscriptionem.

Grim. Cis.

EST IN HONORE PIAE
DOMVS ISTA SACRATA MARIAE
HOC INNOCENTI
TE PRAESVLE PERFICIENTE.

A P V D
eam fun-
datur Xe-
nodochiū
à Stepha-
no III.

Propè hanc S. AGATHÆ, siuè S. Ma-
riæ Ecclesiam, quam Anastasius vocat
DIACONIAM, Stephanus Tertius
Papa fundavit XENODOCHIVM,
de quo idem Anastasius his verbis re-
fert. *Foris muros huius Ciuitatis Ro-
manæ secus Basilicam Beati Petri Apo-
stoli duo fecit Xenodochia, in quibus &
plura contulit bona, quæ & sociavit Ve-
nerabilibus Diaconijs illic foris existi-
entibus, ut perenniter permanerent, idest
Diaconia S. Dei Genitricis, & B. Silue-
stri.*

stri. Anastasium de nostra apud Turrim Ecclesia loqui nequaquam dubito, tùm quia illam secùs Basilicam B. Petri collocat: tùm quia nominat eandem simul cum Diaconia S. Siluestri, quæ erat in Platea S. Petri, omiſſa alia tertia Diaconia S. Mariæ, quæ erat in capite Porticus propè Hadriani Arcem.

DIACONIAE TITVLVM huic **DIACO-**
 loco concessisse Hadrianum Primum **niz titulo**
 Pontificem, aperte ostendit idem Ana- **donatur**
 stasius hisce verbis. *Hic constituit Dia-* **ab Hadria**
conias tres foris Portam Beatorum Apo- **no L**
stolorum Principis: idest, unam qui-
dem Sanctæ, & gloriosæ semper Vir-
ginis Dei Genitricis Mariæ Domine no-
stræ, quæ sita est in Atrio (& hæc est no-
stra, de qua agimus) Aliam vero su-
pradiçtæ, & intemeratæ Domine no-
stræ, quæ sita est foris Portam Beati Petri
(Portam videlicet antiquæ Urbis appel-

latam B. Petri, eo quod ad dicti Apostoli Basilicam iter præberet.) in caput Porticus (& hæc erat S. Maria Transpontina solo equata apud Arcem S. Angeli) necnon & aliam Diaconiam, quæ appellatur Sancti Siluestri iuxta Hospitale Sancti Gregorij (& hæc erat in opposito Pœnitentiariæ demolita sub Pio IV. ad ampliandam aream Basilicæ S. Petri)

Quas supradictas Diaconias hic almificus vir in abditis sine misericordie fructu reperiens, nouiter restaurauit. Vbi & dona plurima mobilia, atque immobilia pro remedio anime suæ obtulit, & constituit, ut per unamquamque hebdomadam quinta feriæ die cum* psallentio à Diaconia usque ad balneum pergerent, & ibidem dispensatione per ordinem pauperibus consolari, atque eleemosynam fieri.

* id est cæ-
to Psalmo-
ram.

Huiusmodi ELEEMOSYNÆ DISPENSATIONEM fieri consuetam in nostra hac S. Mariæ in Turri Diaconia, duplici argu-

XVII.

argumento cōijcio, tum quia hīc erectum fuerat Xenodochium à Stephano III. Tum quia nominatur ab Anastasio propè Balneum, quod erat in Atrio S. Petri, vbi pauperes in festiuitate Paschali lauari, & eleemosynam accipere solebant.

Anast. in
Vit. Pont.
pag. 163.

Leo III. eidem Ecclesiæ egregia dona contulit, quod Anastasius in eius vita his verbis testatur. *Et in Diaconia ipsius Dei Genitricis, quæ ponitur in Atrio, eodē modo fecit coronam ex argenteo pens. libras quinque. & infra: In Oratorio verò ipsius Dei Genitricis, vbi suprà, quod dicitur Domini Pauli Papa fecit vestem albam holosericam ornatam in circuitu de mixilo.*

LEONIS
III. dona
eius illa.
p. 199.
VOCATUR S. Maria in Atrio
pag. 210.

Ex ijs, quæ hactenus diximus, & ex superiori illa narratione alius Anastasij locus, nescio an cuiquam hactenus intellectus, lucem egregiā accipit; Extat ille in eiusdem Leonis III. vita pag. 202.

B 3 Simulq;

Simulq; & in Oratorio Sanctæ Agathæ;
 ET MO- *quod ponitur in MONASTERIO TEMPVLII*
 nasterium *fecit canistrum similiter* Tempulus enim
 Tempuli *fuit ille, cui propè D. Agatharæ, seu*
S. Mariam in Turri commoranti; per
visum apparere dignatus est Deus, à
quo nomen Oratorium illud accepisse
certò credere licet.

LEONIS IV. dona
 in illud. *Leo item IV. ergà hunc sacrum lo-*
 par. 267. *cum beneficentiæ signa ostendit alia-*
donatione, quam receisset Anastasius
his verbis. In Oratorio, quod Pauli dici-
tur Papa (à Paulo videlicèt I. locum
illum ornante, vt suprà ostendimus)
mira pulchritudinis obtulit uestem, Aquil-
arum habentem historiam cum cruce de
chrysoclauo, & gammadijs unam.

Atq; hæc, quæ de prima huius sacræ
Imaginis sede, ac domicilio certissimis
argumentis hucusq; comprobauimus,
perspicui erroris plerosq; nostri & supe-
rioris æui scriptores conuincunt; Nam

qua

quo tēpore hæc sacrosancta Imago fuerit vel Romam translata, & quæ sit ECCLESIA S. MARIAE TRANSTIBERIM, vbi eadem à Monialibus custodiebatur, prorsùs ignorant Theodoricus de Appoldia^a, S. Antoninus^b, Ferdinandus de Castiglio^c, & alij; Thomas autem Maluenda, illis non satis cautè examinatis, Imaginem, & Moniales ad eam S. Mariæ Transtiberim, quæ Tituli Callisti, vel Iulij dicebatur, translatas fuisse scripsit: qua in re si non toto, quod aiunt, cēlo, saltem tota Urbis regione illum errasse existimo. Nam quod Theodoricus de Appoldia allegatus à Maluenda inquit: *Erat tūm in Urbe insigne quoddam Monasterium Sanctimonialium, quod Sanctæ Mariæ Transtiberim dicebatur.* Ex eo haud quaquam apud Titulum Callisti, vel Iulij dictas Moniales habitasse perspicio: sed hoc tantū Theodoricus affirmare videtur, Monaste-

THOMAS Maluenda emendatur.

a Relatus à Maluenda.

b 3. p. Hist.

c. 4. tit. 23.

§. 11.

c. c. Hist. De-

min. lib. 1.

p. 1. c. 38.

rium illud alicubi Transiberim' ad S^{an}-
ctæ Mariæ olim fuisse; quo autem loco
fuerit, id lectori diuinandum reliquit.
Theodoricum ijsdem verbis sequitur
S. Antoninus cum alijs, quorum vesti-
gijs hæret Maluenda. Melchior Incho-
fer, qui epistolam B. Mariæ Virginis ad
Messanēses Coniectaneis illustrauit, li-
cèt Maluendæ opinionem haud qua-
quam probare videatur, nihilominus
& ipse in Transiberina regione dubius
oberrat, dum veram indagare conatur
S. Agathæ in Turri Ecclesiam. Verùm
cum ex pluribus alijs argumentis iam
antè à nobis expositis, tum ex eo, quòd
antiquitatis Ecclesiasticæ peruestigato-
res, qui de Titulo Callisti agunt, nec
Imaginis huiusmodi, nec Monialium
vspiam meminerint, id pro certo con-
cludendum est, Imaginem, & Monia-
les à Sergij Pontificatū vsque ad Hono-
rium III. non discessisse ab Ecclesia
Sanctæ

XXI.

Sanctæ Agathæ in Turri, quæ & S. Mariæ Trāstiberim cum pluribus alijs Ecclesijs D. Mariæ dicatis, vltra Tiberim sitis, dicebatur.

Eoq; magis id firmari debet, quod vidi publicum cuiusdem Contractus documentum ex Monialium inibi commorantium Archivio gratiosè exhibitū à R. P. Magistro Ioanne Baptista Marino S. Indicis Congregationis Secretario, in quo, anno scilicèt 1206. earum Monasterium vocatur **S. MARIAE IN TEMPVLO**. Idem cum plurimis antiquitatum monumentis sit refertum, lubet subnectere.

In nomine Domini . Anno Dominice Incarnat. millesimo ducentesimo sexto , Anno vero nono, Pontific. Domini Innocentij III. Pape, Indiēt. decima mensis Nouemb. die vigesima sexta. Ego quidem D. Simon Clericus Ecclesie S. Martine cū cōsensu, & voluntate D. Eugenie ABBATISSAE S. MARIAE



RIAB IN TEMPLO; cuius est proprie-
 tas, & cui com. dedi 5. sol. pro
 & Monacharum eiusdem Monasterij,
 scilicet Cacilia, Scholastica, Daria, & con-
 sensu Ioannis Ingirada Iconomi
 . . . ex mea bona voluntate vendo, &
 inuestiens trado, & concedo tibi Benein-
 casa Leonardi, tuisq. heredibus, & suc-
 cessoribus, & cui secundum tenorem d. loc.
 concedere volueris in perpetuum, idest,
 unam petiam Vineæ plus minus cum
 terra vacante iuxta se, de qua Vineæ li-
 ceat tibi fodere quinque ordines cum vascā,
 & tin. & vasculo, cum arboribus suis,
 & cum omnibus suis pertinentijs, positam
 infra Urbem ante Clausstrum dicti Mona-
 sterij, via mediante, quæ est primum la-
 tus, à secundo tu tenes iure dicti Mona-
 sterij, à tertio Gratianus Fraiapanus iu-
 re S. Thomæ de Formis, riuo mediante; à
 quarto heredes Petruccij de Petro mediante
 aqua, pro quatuor lib. prouis. & 12. sol.
 quas

quas mihi pro toto pretio dedisti. Vnde renuncio exceptioni non numerata pecunie, pro eo quod omni anno reddatis dicto Monasterio quartam partem musti mundi, & aquati, & unum canistrum plenum de uvis, quod in fundo sit duos palmos, & unum submissum in altitudine, & omnia, quæ in dicta loc. continentur, ei adimpleratis, & persolueratis, & amodo in antea liceat tibi eam intrare, tenere, possidere, & quicquid secundum tenorem dictæ locationis facere volueris in perpetuum.

Ego vero pro me, & meis heredibus, & successoribus promitto tibi, tuisq. heredibus, & successoribus eam ab omni homine, si opus & necesse fuerit, defendere, & omnia, quæ dicta sunt, observare, & contra non venire; Si nolueris, vel non potueris, tam ego, quam mei heredes, & successores componamus tibi, tuisq. heredibus, & successoribus pro pæna, dictæ pecuniæ duplam: & solutione pendente hæc clausula

sula firma permaneat; quam scribere rogavi Ioannem S. R. E. Scrin. Romani Bonegentis Scriniarij filium, in mense, & Indic. x.

Nicolaus Cecatrocta Testis.

Cencius Gregorij Testis.

Romanus Ioannis Gratiani Testis.

Petrus Pulzellus Testis.

Gualterius Carari Testis.

Ego Ioannes S. R. E. Scrin. compleui, & absolui.

IMAGO,
& Monia-
les ad Sā.
ctum Six-
tum transf-
eruntur à
S. Domi-
nico.

His igitur firmatis, certum est A B
hac S. MARIE Ecclesia AD S. SIXTI Ti-
tulum IMAGINEM iam olim FVISSE
DELATAM à S. Dominico, Ordinis Prę-
dicatorũ Fundatore, quod Auctor ms.
Cod. Vaticani, qui sub numero 1258.
asseruatur cap. 8. his verbis testatur.
Anno igitur ab Incarnatione Dñi 1219.
duodecimo Kal. Martij, quod tunc erat
prima Dominica Quadragesime, vene-
runt

runt D. Abbatissa cum Sanctimonialibus suis de Transiberim, accipientes in possessionem Ecclesiam S. Sixti, ubi habitare ceperunt, Domino perpetuè seruituræ. Inter quas erat quedam puella nomine Cecilia tunc 17. annorum iuuenula, quæ in ipso Porte introitu prima omnium habitum ordinis assumpsit à Patre Sancto, in manibusq. eius tertia vice obedientiam professæ est. Post hanc Abbatissa, ceteraq. Moniales, necnon totæ aliæ similiter induta, & professæ sunt, quæ omnes numero 44. extiterunt. Romani verò gloriosam illam Imaginem Dei Genitricis Mariæ, quæ apud Moniales Transiberim manserat, inde auferri dolebant, eo quod pateret eis accessus facilior Imaginem intuen-
 Idcirco Pater prouidus nocte sequenti, duobus Cardinalibus, D. videlicet Nicolao Tusculano Episcopo, & D. Stephano, cuius Nepotem suscitauerat, comitantibus, alijsq. plurimis personis cum multitudine
 præ-

precedentium, & subsequen-
tium, nudis pedibus incedentibus cun-
ctis, desideratissimam illam, ac dulcissi-
mam Virginis Matris Imaginem proprijs
humeris reuerentissimè deportauerunt: Quā
sorores nudis pedibus in oratione posite ex-
pectantes eandem cum lachrymis, & cor-
dis iubilo susceperunt, quę permanet vsque
hodie apud ipsas. Haftenus ms. Vati-
canus, cum quo consentit Theodori-
cus de Appoldia lib. 2. c. 8. cuius verba
refert Maluenda ad annum 1218. c. 15.

TRANS-
feruntur
ad Balnea
Pauli in
Quirinali.

Ceterum cū Sanctimoniales A SAN-
CTO SIXTO ob grauem illius loci in-
temperiem, vtpotè in deserta Vrbis re-
gione, sub Pio V. AD BALNEA PAULI
(qui locus vulgò Bagnapoli, & impe-
rita plebis errore corruptiori nomine,
Bagnanapoli appellatur) transmigrarēt,
illuc etiam Venerabilem hanc Imagi-
nem, veluti pretiosissimum Cimelion,
secū attulerunt, Templo sub DD. Sixti,

&

& Dominici tutela, ac Monasterio sub Fratrum Prædicatorum regimine extructo.

Verùm illud haudquaquam silentio prætereundum existimo, quod HÆC SACROSANCTA IMAGO, quam & vetusti Codicis narratio, tum fama, & cõstans traditio à S. Luca depictam affirmat, publicè in maxima Urbis calamitate, iræ diuinæ placandæ, & pesti aueruncandæ, A S. GREGORIO MAGNO CIRCVMMLATA FVERIT, Testibus Ap-
poldia, & S. Antonino (quos Maluenda cõtra seipsum imprudentissimè Testes producit) quibus ego Ptolemæum Lucensem addo in Historia Ecclesiastica, quam vidi ms. in Bibliotheca Vaticana sic scribentem. *Et hanc Letaniam, seu Processionem septiformem, ut gesta referunt eius (Gregorij Primi) sic ordinavit, quia Imaginem Beate Mariæ, quam B. Lucas refertur pinxisse, mandavit precede-*

IMAGO
circum-
fertur in
Urbis pe-
ste à San-
cto Gre-
gorio Ma-
gno.

Ad an.
1217. 622.
S. ceterū.

cedere, quæ à multo tempore in S. Sixto
 fuit locata, & adhuc est ibidem. Idem
^{no. 1218.} scripsit Auctor Codicis * Vaticani, quæ
 paulò antè testem citauimus his verbis.
*Hæc Imago veneranda, quam S. Grego-
 rius ob imminentem plagam repellendam
 tēpore quodam Paschali antè Processionem
 cum Litanjs deferri iussit per Urbis cir-
 cuitum reuerenter. Et ecce tota aeris infe-
 ctio virtuti Virginis in sua Imagine co-
 operanti cedebat, tanquam fugiens, eiusq.
 præsentiam ferre non sustinens; sicq. mira
 serenitas, & aeris puritas per gratiã Dei
 Matris Marię Virginis remanebat: au-
 diteq. sunt voces tunc in aere iuxta Im-
 ginē in hunc modum, Regina Celi lætare,
 alleluia. Quia quæ meruisti portare, al-
 leluia. Resurrexit, sicut dixit, alleluia;
 & B. Gregorius subiūxit; Ora pro nobis
 Deum, alleluia. Collocata est itaq. apud
 S. Sixtum per alium Christi Confessorem
 Dominicum, & duos Cardinales vene-
 ra-*

XXIX.

rabiliter inter Virgines Imago Virginis Genitricis Dei, & Domini Iesu Christi, &c.

Sed vereor ne homines ad altercandū propensos in me concitem, facile enim prospicio ad sententiam hanc acerrimè impugnandam insurrecturos complures, qui alias B. Virginis Icones ad sedandam hanc Urbis pestilentiam circumductas fuisse contendunt, idq. argumentis nec numero paucis; nec momento leuibus euincere conabuntur: Verum vt meas rationes habeo, cur nō temerè illis assentiar, ita nec pertinaciter à meliori cuiusquam sententia dissenturum profiteor. Hæc autem non altercandi studio, nec vt aliarum Imaginum auctoritati, ac venerationi præiudicium vllum asserrem, sed ad pristinum huius insignis, & celeberrimæ Imaginis cultum à temporis iniuria vindicandū obiter asserre, & prudenti lectorū iudicio examināda, relinquere volui.

C

Et

Et ne quid ad huius Imaginis celebritatem asserendam desiderari queat, audiamus, si placet, Auctorem sacrarum Urbis Antiquitatum in copiosissimo Vaticanæ Bibliothecæ penu delitescentem numero 4562. qui anno Dominicę Incarnationis 1375. in hæc verba, scripsit. *In S. Sixto - - est Imago B. Virginis, quam fecit B. Lucas, quam quidem Papa violans obtulit, seu abstulit, & in Sancta Sanctorum deportauit, dicens, Matrem debere esse cum Filio, cuius Imago est ibidem. Sed ad orationem Sororum in mane circa Auroram cum lumine magno reuersa est: & eadem Imago in Septimana Sancta mutatur in colore sic, quod in die Parasceue ex toto palefcit.*

IMAGO
In Maiori
Hebdo.
mada pa-
lescit.

Tandem cū simile miraculosæ translationis Sanctæ Mariæ exemplum recenset Iosephus Matraia lib. 1. de Imagin. S. Mariæ in Porticu cap. 22., non
erit

erit ab hoc instituto alienum, ut illum
adeat, qui talia cognoscendi desiderio
tenetur: præsertim cum nonnulla in
sanctæ illius Imaginis historia oppidò
quam conuenire videantur cum nostra
hac, quæ in extremo Quirinali ad Bal-
nea Pauli, siuè (ut cum vulgo loqua-
mur) in Monte Bagnanapoli apud Sa-
cras Virgines in Ecclesia SS. Sixti, &
Dominici magna cum veneratione as-
seruatur.

L A V S D E O.



